

Unsa ang Kalag?

Leksyon 10

1. Pila ka mga kalag ang migawas gikan sa dapi-dapi ni Jacob?

Exodo 1:5 _____

2. Pila ka mga kalag ang misakay sa barko ni Pablo?

Buhat 27:37 _____

3. Unsa ang duha ka elemento ang gigamit sa Dios sa pagbuhat ug usa ka buhi nga kalag?

Genesis 2:7 _____

ABOG + GINHAWA = KALAG

Ang Biblikanhon nga hubad sa usa ka kalag mao ang usa ka lawas nga may gininhawa. Bantayi nga ang texto wala magasulti nga ang tawo gihatagan ug kalag, kundili siya nahimong usa ka kalag. Ang kalag dili usa ka butang nga anaa sa tawo, kundili kini mao ang tawo. Ang kalag adunay dugo (Jeremias 2:34). Dili lang ang tawo kalag, apan usab ang isda ug mga hayop (Pinadayag 16:3).

Ang Hebrohanon nga pulong sa kalag, nephesh, gihubad isip “persona” (Genesis 14:21), “kaugalingon” (Levitico 11:43), “kinabuhi” (Salmo 31:13), “ako” (Maghuhukom 16:30), “binuhat” (Ezekiel 47:9), ug “isda” (Isaias 19:10). Kon ihubad isip “lawas” ang nephesh nagkahulugan ug patay (Levitico 21:11).

Ang Greygo nga pulong sa kalag, psuche, adunay sosama nga kahulugan. Sa Mateo 16:25 si Jesus nagdayeg sa bisan kinsa nga magatugyan sa iyang kalag (psuche) alang kang Cristo, kini kadaghang panahon gihubad sa yano isip “kinabuhi” (Mateo 2:20). Kini nagkahulugan ug “persona” (Buhat 7:14). Ang “akong kalag” ug ang “inyong kalag” nga sinultihan nga nagpahayag sa kahulugan “ako” ug “ikaw” (Mateo 12:18, 2 Corinto 12:15).

4. Unsa ang proseso nga gigamit sa Ginoo sa pagbuhat sa kalag pabalik sa dihang kita mamatay?

Salmo 104:29 _____

KALAG – GINHAWA = ABOG

“Kong iyang ipahaluna ang iyang kasingkasing sa iyang kaugalingon, Kong iyang tigumon ngadto sa iyang kaugalingon ang iyang espiritu ug ang iyang gininhawa: Ang tanang unod mangawala sa tingub, Ug ang tawo mahabalik pag-usab sa abug.” Job 34:14, 15

5. Ang kalag ba may kamatayon?

Ezekiel 18:20 _____

6. Kon ang kinabuhi matapos, unsa ang mabilin?

Genesis 3:19 _____

7. Unsa man ang mubalik ngadto sa Ginoo?

Ecclesiastes 12:7 _____

8. Asa man kini nga espiritu makita diha sa tawo?

Job 27:3 _____

9. Unsa man kining makita diha sa lungag sa ilong sa usa ka tawo?

Genesis 7:22 _____

Ang hebrohanon nga pulong sa espiritu (ug kalat, Job 3:11), ruach, ug ang Greygo nga pulong, pneuma, nagkahulugan ug ginhawa, hangin, o importante nga sukaranan. Kini mao ang kidlat sa kinabuhi nga nakapahimo nato nga mabuhi. Kini mao ang 'gininhawa sa Makagagahum' (Job 33:4). Kon ang Bibliya naggamit niini nga mga pulong isip paghisgut mahitungod sa tawo, walay bisan usa nga kini nag-ingon gna ang ruach ug pneuma usa ka butang sa tawo nga mao ang naghatag ug nagpabilin sa panimuot human ang tawo namatay.

Ang mga manolunda gitawag ug espiritu (Salmo 104:4) tungod kay sa tawhanong mga mata sila dili makita sama sa gininhawa. Apan ang tawo wala maka-angkon sa pagkabuhat ingon sa mga anghel (Salmo 8:5), ni ang Bibliya nagsulti nga siya mahimong manolunda sa dihang siya mamatay.

10. Unsa ang mawala sa dihang ang tawo mamatay?

Salmo 146:4 _____

11. Ang gininhawa sa usa ka tawo lahi ba sa gininhawa sa mga mananap?

Ecclesiastes 3:19 _____

12. Aduna bay kalahian ang patay nga tawo ug sa patay nga mananap?

Ecclesiastes 3:20 _____

Ang kalag sama sa kahayag nga muresulta sa dihang ang bombilya makonekta ngadto sa kurenti.

Ang espiritu o gininhawa sa kinabuhi, mao ang kurenti.

Ang kurenti makahatag ug kahayag lamang kon kini magalatay ngadto sa bombilya. Kon ang gamayng alambre bombilya madaut, ang linya sa kurenti maguba usab, ug ang kahayag mawala.

Sama nga ang kahayag dili mahitabo gawas kon adunay kurenti ug bombilya, mao nga kinahanglan usab anaa ang gininhawa sa kinabuhi ug ang magamit nga lawas aron adunay buhi nga kalag.

13. Human ang tawo mamatay, mahimo ba nga siya mubalik ug magpakita ngadto sa mga nakaila kaniya?

Job 7:8 _____

Job 7:9 _____

Job 7:10 _____

Job 16:22 _____

14. Niining katapusang mga adlaw, ang uban magapamiya gikan sa pagtoo, ug magapaminaw sa unsa?

1 Timoteo 4:1 _____

15. Unsa nga klase sa espriitu ang mupakita, magbuhat ug mga milagro?

Pinadayag 16:14 _____

16. Didto sa tanaman, si Satanas nagtakuban diha sa dagway sa unsa?

Genesis 3:1 _____

17. Si Satanas makapausab sa iyang kaugalingon ngadto sa unsa?

2 Corinto 11:14 _____

18. Unsa man ang ikapakita sa iyang mga ministro nganhi kanato?

2 Corinto 11:15 _____

19. Kon sila dili magsulti sumala sa kasuguan ug pagpamatuod, kini tungod kay unsa?

Isaias 8:20 _____

20. Inay sa pagsulay sa pakig-istorya sa mga patay, ug sa pag adto sa mga diwatahan, kinsa man ang dapat duolan sa katawhan sa Dios alang sa kamatuoran?

Isaias 8:19 _____

21. Unsang matang sa mga tawo ang dili makaplagan taliwala sa katawhan sa Dios?

Deuteronomio 18:10, 11 _____

22. Ang tanan nga nanagbuhat niining mga butanga mga unsa?

Deuteronomio 18:12 _____

23. Unsa ang gisulti ni Pablo ngadto sa mga salamangkero?

Buhat 13:10 _____

24. Ang usa ka tawo makigdait ba sa Dios ug sa demonyo?

1 Corinto 10:21 _____

25. Uban sa mga influensya ni Satanas palibot kanato, unsa ang gi-awhag sa Dios nga atong pagabuhaton?

2 Corinto 6:17 _____

Ang mga Cristohanon walay kalabutan sa mga mahiya, pagtagna-tagna sa kaugmaon, mga horoskop; o mga dula, libro, salida o mga dulaan nga may elemento sa diwata o espiritismo.

Diha sa Kahayag sa Pulong sa Dios....

- Ako nakasabot nga ang usa ka kalag mao ang gininhawa sa lawas, sa tawo o sa mananap.
- Ako nakasabot nga ang espiritu sa usa ka tawo mao ang gininhawa sa Dios nga naghatag ug kinabuhi.
- Ako nasakabot nga ang usa ka kalag mamatay sa dihang ang iyang gininhawa moundang.
- Ako nakasabot nga ang patay dili makaistorya.

Dugang komentaryo: _____

Pangalan: _____

Sunod nga leksyon: **Ang Sekreto sa Pagkawalay-Kamatayon**